

RESOLUCIÓN REITORAL 26 DE XUÑO DE 2025 DA UNIVERSIDADE DE SANTIAGO DE COMPOSTELA, POLA QUE SE ESTABLECEN AS BASES REGULADORAS E SE CONVOCAN AXUDAS PARA O USO DE INFRAESTRUTURAS DE INVESTIGACIÓN.

PRIMEIRA. Obxecto

O obxecto desta convocatoria é facilitar o acceso aos servizos de uso xeral dependentes da Vicerreitoría de Política Científica, tanto nas Unidades da Área de Infraestruturas de Investigación como na Rede de Estacións Biolóxicas (REBUSC), a aqueles grupos de investigación que manteñan unha actividade investigadora acreditada e non dispoñan de financiamento na actualidade.

SEGUNDA. Beneficiarios

Será requisito de participación na presente convocatoria de axudas, figurar como IPs no catálogo de grupos de investigación da Universidade de Santiago de Compostela na data de publicación desta convocatoria.

TERCEIRA. Requisitos de participación

1. Será requisito de participación na presente convocatoria de axudas non ter un financiamento activo derivado de convocatorias competitivas no momento da publicación da presente convocatoria, sexan estas concedidas tanto por organismos ou axencias públicas ou privadas, como de actividades de investigación ao abeiro do establecido no artigo 60 da Lei Orgánica 2/2023, de 22 de marzo, do Sistema Universitario.
2. Non poderán participar nesta convocatoria os IPs integrados nun grupo de investigación que conte con financiamento activo nas convocatorias de consolidación da Xunta de Galicia.

3. A composición do grupo de investigación que se terá en conta para a avaliación das solicitudes será a existente na data de publicación desta convocatoria.

CUARTA. Categorías e conceptos subvencionables

O importe destas axudas irá unicamente destinado a cubrir os custos dos servizos prestados pola Área de Infraestruturas de Investigación da USC e a Rede de Estacións Biolóxicas (REBUSC).

QUINTA. Financiamento

O financiamento da presente convocatoria, por un importe máximo de 15.000 € efectuarase con cargo á aplicación orzamentaria 8050-29N7-64100, do Orzamento da Universidade de Santiago de Compostela de 2025.

SEXTA. Contía das axudas

Ao abeiro do orzamento dispoñible e do número de solicitudes presentadas, o importe das axudas será establecido pola Vicerreitoría de Política Científica.

SÉTIMA. Procedemento e prazo de presentación de solicitudes

As solicitudes, dirixidas á Área de Xestión da Investigación, presentaranse a través do **rexistro electrónico da USC**. Na solicitude deberá indicarse que desexa participar na convocatoria de axudas para o uso de infraestruturas de investigación 2025.

O prazo de presentación das solicitudes será de 15 días naturais a contar dende o día seguinte da publicación da presente convocatoria.

No asunto da solicitude realizada a través do rexistro electrónico deberá indicar que desexa participar no proceso de selección de axudas para o uso de infraestruturas de investigación.

Unha vez presentada esta solicitude e recibida na Subárea de Convocatorias e RRHH de I+D, se enviará ao solicitante un formulario electrónico onde se solicitarán os datos e o seguintes documentos complementarios precisos para avaliar a solicitude.

- 1 Escrito de motivación da solicitude da axuda que inclúa unha breve descrición do proxecto de investigación que se pretende realizar (1 páxina máximo).
- 2 Currículo abreviado (CVA) do solicitante.

OITAVA. Instrución e tramitación do procedemento

A instrución do procedemento desta convocatoria correspóndelle á Vicerreitoría de Política científica, e farase integramente por medios electrónicos a través da Sede Electrónica da USC (<https://sede.usc.es/sede/publica/taboleiro/inicio.htm>).

Rematado o prazo de presentación de solicitudes ditarase resolución, declarando aprobada a listaxe provisional de admitidos e excluídos que poderá consultarse no taboleiro electrónico da USC (<https://sede.usc.es/sede/publica/taboleiro/inicio.htm>), con indicación neste último caso da causa/s de exclusión.

Os solicitantes excluídos disporán dun prazo de cinco días naturais, contados a partir do seguinte ao da publicación da citada resolución, para poder emendar ou acompañar os documentos que motivaron a súa exclusión.

A emenda da documentación farase unicamente a través da sede electrónica da Universidade de Santiago de Compostela. Na solicitude deberá indicarse que desexa enmendar a solicitude relativa a convocatoria de axudas para o uso de infraestruturas de investigación 2025, dirixida a Área da Xestión da Investigación.

Os solicitantes que, dentro do prazo sinalado, non emenden a exclusión ou aleguen a omisión, xustificando o dereito a seren incluídos na relación de admitidos, serán definitivamente excluídos. Esta listaxe poderá consultarse no taboleiro electrónico da USC (<https://sede.usc.es/sede/publica/taboleiro/inicio.htm>).

O feito de figurar na listaxe de admitidos non prexulga que se lles recoñeza aos solicitantes a posesión dos requisitos esixidos, que terán que acreditarse no seu momento.

NOVENA. Criterios de avaliación e selección

Serán admitidas todas as solicitudes que cumpran os obxectivos e criterios da convocatoria.

DÉCIMA. Procedemento de resolución

A Vicerreitoría de política científica determinará as accións que se financiarán ao abeiro desta convocatoria e o montante económico que recibirá cada unha delas. Poderá consultarse no taboleiro electrónico da USC (<https://sede.usc.es/sede/publica/taboleiro/inicio.htm>).

Calquera dúbida relacionada con esta convocatoria poderá consultarse a través do enderezo electrónico investigacion.rrhh@usc.es

UNDÉCIMA. Libramento das axudas

A execución das distintas axudas formalizarase a través dun crédito orzamentario dispoñible na Área de Infraestruturas de Investigación ata o importe máximo concedido a cada unha das axudas.

DISPOSICIÓN FINAL

Non axustarse aos termos da convocatoria, o incumprimento dos requisitos nela establecidos, a ocultación de datos, a súa alteración ou calquera manipulación da información solicitada será causa de desistencia da solicitude presentada.

A presentación de solicitudes implica o coñecemento e a aceptación destas bases.



Santiago de Compostela,

A Vicerreitora de Política Científica

Pilar Bermejo Barrera

Sinatura dixital / Firma digital / Digital signature

Asinante/Firmante/Signer: MARIA DEL PILAR BERMEJO BARRERA, VICERREITOR A DE POLITICA CIENTIFICA, UNIVERSIDAD DE SANTIAGO DE COMPOSTELA, 26/06/2025 13:42:15.

CSV: 0B26-4DBF-4DE4-9474